

Les bonnes histoires de "Ch'Guss"

Ch'coup ch', cha l'y étout : on s'etemes ed'sus challe planète Mars! O z'erètes vu, ech'monte qui n'aveut ed'sus soucoupodrome ! Forchemint, ch'etout nous deuce Jougleuwe qu'on attirout lu curiositaile. Fallout vir challe musique ! Plus d'reus chints musiciens qui n'aveut... Armarquez qui né n'aveut qu'un qui jueut... tous les z'eules i battentent la mesure...

Ch'etout impressionnant. Jusq'au l'gouvernement qui s'aveut dépla-chaille avec lu président du conseil en tête, Monsieur « Mendès-Mars »... Enjain même moye ecqu'j'aille l'habitude d'ete receptionnaile d'eu-ne jachon grandiose, cha m'j'atseut quiquose, j'etous tout drule. Alors o pinez, Jougleuwe qui n'a pon ed' dépaîne pour ta sou, e'tete qu'il artourneut !

Heureusement, ej'm'aille arprains, ej'm'aille même tenu in lit discours a chez Martiens :

« D'sus challe terre, i j'auwe ecqu'tout pache ed' par mes mains, quand qu'j'aille dit quiquose, tout l'monte i s'incine... sauf Euphrasé, mais elle ch'est pon parele ; i j'auwe toujours qu'alle mette des bâtons ed'dins ches velles », que j'lu r'aille dit. Ej'm'aille même jait passer pour ech'minisse ed' l'agriculture. J'ereus bin dit ecqu'Jougleuwe, ch'etout min secrétaire, mais comme i n'saille pon écrire ni lire, j'aille pon voulu aller jusq'au id.

Cha jait qui m'ont jait vigifer lu cultures, ej'm'aille jait armarquer ecqu'lu peumes é terre i z'etoulent plus pitilles ecque les miennes, mais i m'ont dit qu'cha n'a pon d'importance parc' qu'eumes i mingent le juss ecqu'chés verts !

Après cha, réception a challe musi-

rie. I m'ont jait chifoyin d'honneur, i n'a fallu que j'sine ech'liste d'acter in présénche ed'chés 19 maires et l'conseller...

Et soir, nous deuce Jougleuwe, comme i j'atseut biauce, on nous z'avons proménaille in momint au « clair ed' terre », comme i dit; le par la, ch'etout poétique. J'aveus comme a mitan seductaile eune fille Martienne, ej'm' j'atseus des clo-gnons. Z'plus malheureuwe, ch'est qu'al a voulu n'm j'aire guint. Forchemint, comme i n'ont qu'un eule, me sa retanaile les soupes a terre !

Et pis, il a fallu nous quitter. Alle vouleut pon qu' j'arparte, a s'aveut jamaile vu quiqu'un d'auss hauts, qu'alle dijeut, mais que qu'o voulez : biauce ou non, tout a eune fin...

On z'avons dit arpoir a tout l'monte... et in route ! Mais que d'argrets, que d'argrets ! Ah ! Mars et j'aveus su, ja n's'reus jamaile « Venus » !

Robert JORDENS